

4

Ո Ր Ո Շ ՈՒ Մ
մասնագետ նշանակելու մասին

18.03.2019թ.

ք.Երևան

ՀՀ քննչական կոմիտեի ԶԲԳՎ ՀԿԳ քննության վարչության ՀԿԳ ավագ քննիչ, արդարադատության առաջին դասի խորհրդական Ա.Բարսայանս, քննարկելով վարույթի թիվ 90152117 քրեական գործի նյութերը.

Պ Ա Ր Զ Ե Ց Ի

ՀՀ ՊՆ ՆՏԱ դեպարտամենտի և «ԱրմԱէրո» ՓԲ ընկերության միջև 26.01.2016թ-ին կնքված ԲԸԱՀԾՁԲ-4-3 պայմանագրով ՀՀ պաշտպանության նախարարության կարիքների համար համապատասխանաբար՝ 17.035.481 ՀՀ դրամ և 13.859.488 ՀՀ դրամ գումարով, ձեռք են բերվել B-46-6 տեսակի Պ02AP133 համարի և YTD-20 տեսակի Պ01AP141 համարի շարժիչներ: Մինչև այդ շարժիչները ՀՀ ԶՈՒ սպառազինության վարչության ԱՏ և ԶՏ ծառայությունների կենտրոնական բազա /ՀՀ ՊՆ 84029 գործարան/ մատակարարելը, դրանք «Չարենցավանի հաստոցաշինական գործարան» /ՉՀԳ/ ԲԲ ընկերությունում անցել են ստենդային փորձարկումներ, և 06.05.2016թ-ի N 46 ստենդային փորձարկումների ակտի հիման վրա արձանագրվել է, որ B-46-6 տեսակի Պ02AP133 համարի շարժիչը համապատասխանում է այդ շարժիչների շահագործման համար անհրաժեշտ ցուցանիշներին, որոնց հիման վրա էլ մատակարարված շարժիչները մուտքագրվել են ՀՀ ՊՆ 84029 գործարան:

Այնուհետև, նշված շարժիչները համապատասխան տեխնիկաների վրա տեղադրելու նպատակով մատակարարվել են ՀՀ ՊՆ 60925 գործարան և տեղադրվել T-72-A տեսակի X12AT2336 գործարանային համարի N 916 տանկի ու ԵՄՊ-ԵՄ-1Կ տեսակի B06PT6735 գործարանային համարի N940 մարտական հետախուզության մեքենայի վրա, սակայն սահմանված 500 մ/ժամ շահագործվելու փոխարեն՝ շահագործվելով համապատասխանաբար՝ 60.7 մ/ժամ և 285 մ/ժամ, տեխնիկական վիճակի վերաբերյալ 21.10.2016թ-ի N 21 և 19.12.2016թ-ի N 29 կազմված ակտերի հիման վրա պարզվել են, որ դրանք չեն համապատասխանում շահագործման համար անհրաժեշտ ցուցանիշներին, որի պատճառով արգելվել է դրանց հետագա շահագործումը:

ՀՀ ՊՆ 60925 գործարանի հաշվեկշռում գտնվող վերոնշյալ տեխնիկաների հետագա շահագործումն ապահովելու նպատակով, 11.01.2017թ-ից մինչև 24.01.2017թ-ը ընկած ժամանակահատվածում, կենտրոնական բազայից հատկացվել են ՀՀ ՊՆ ՆՏԱ դեպարտամենտի և «ԱրմԱէրո» ՓԲԸ-ի միջև 26.04.2016թ-ին կնքված ԲԸԱՀԾՁԲ-4-23, ինչպես նաև ՀՀ ՊՆ ՆՏԱԴ-ի և «Սելեկտրոս» ՍՊԸ-ի միջև 23.09.2016թ-ին կնքված ԲԸԱՀԾՁԲ-4-23 պայմանագրերով ՀՀ ՊՆ կարիքների համար 16.829.816 ՀՀ դրամով մատակարարված B-84 տեսակի Պ02AP166 համարի և 13.523.440 ՀՀ դրամով մատակարարված YTD-20 տեսակի Պ07IT3295 համարի շարժիչները, որոնք մինչև մատակարարումը «ՉՀԳ» ԲԲԸ-ում անցել են ստենդային փորձարկումներ և 16.11.2016թ-ի N 126, 26.12.2016թ-ի N 165 ստենդային փորձարկումների ակտերի հիման վրա արձանագրվել, որ դրանք համապատասխանում են այդ շարժիչների շահագործման համար անհրաժեշտ ցուցանիշներին, որոնք նյութական միջոցների ընդունման և 10.12.2016թ-ի ու 30.12.2016թ-ի հաստատված N71 և N79 ակտերով ՀՀ ՊՆ 84029 գործարան մատակարարվելուց հետո, 11.01.2017թ-ին և 24.01.2017թ-ին, ելքի N 7 և N 1/49 ապրանքագրերով հատկացվել են ՀՀ ՊՆ 60925 գործարանին ու տեղադրվել վերոնշյալ T-72-A տեսակի X12AT2336 գործարանային համարի N 916 տանկի և ԵՄՊ-ԵՄ-1Կ տեսակի B06PT6735 գործարանային համարի N940 մեքենայի վրա, սակայն տեղադրումներից հետո պարզվել են, որ դրանք նույնպես չեն համապատասխանում շահագործման համար անհրաժեշտ տվյալներին, որի պատճառով արգելվել է դրանց հետագա շահագործումը:

Նշված հանգամանքներում «Չարենցավանի հաստոցաշինական գործարան» ԲԲ ընկերության, ՀՀ ՊՆ 84029 և 60925 գործարանների համապատասխան պաշտոնատար անձինք անփույթ վերաբերմունք են դրսևորել ծառայության նկատմամբ, որն անզուգույթյամբ առաջացրել է ծանր հետևանք:

Դեպքի առթիվ ՀՀ քննչական կոմիտեի ԶԲԳՎ ՀԿԳ քննության վարչությունում 01.09.2017թ-ին, ՀՀ քրեական օրենսգրքի 315-րդ հոդվածի 2-րդ մասի և 376-րդ հոդվածի 2-րդ մասի հատկանիշներով հարուցվել է քրեական գործ և կատարվել նախաքննություն:

29.12.2017թ-ին, գործով դատավարական ղեկավարում իրականացնող դատախազը որոշում է կայացել թիվ 90152117 քրեական գործով նախաքննությունն իրականացնող քննիչին քրեական դատավարությանը մասնակցելուց հետացնելու մասին և 10.01.2018թ-ին նախաքննության հետագա կատարումը հանձնարարվել է նույն վարչության այլ քննիչի, իսկ 19.03.2018թ-ին հանձնարարվել է ինձ:

Թիվ 90152117 քրեական գործի հանգամանքների բազմակողմանի, լրիվ և օբյեկտիվ քննության արդյունքում պարզվել է, որ <<Սելեվերտա>> ՍՊ ընկերության տնօրեն Սամվել Սարգսի Սուքիասյանը, նախնական դիտավորությամբ, խաբեությամբ և վստահությունը չարաշահելու եղանակով ՀՀ պաշտպանության նախարարությունից հափշտակել է առանձնապես խոշոր չափերով՝ 13.523.440 ՀՀ դրամ գումար:

Այն է՝ ՀՀ պաշտպանության նախարարության հետ 23.09.2016թ-ին կնքված ՌԲԸԱՀԱՊՁԲ-4-23 պայմանագրով Սամվել Սուքիասյանը պարտավորվել է մատակարարել պայմանագրի տեխնիկական բնութագրին և ցուցանիշներին համապատասխան տարբեր տիպի նոր և չօգտագործված, արտադրող գործարանի կողմից տրված տեխնիկական անձնագրով և արտադրող գործարանի տեխնիկական ցուցանիշների պայմաններին համապատասխան, ինչպես նաև գործարանային փաթեթավորմամբ շարժիչներ:

Մինչդեռ, 09.12.2016թ-ին մատակարարված շարժիչներից <<ՈԻՏԴ-20>> տիպի <<Ա07ՊՏ3295>> համարի շարժիչը, որը մատակարարել է 13.523.440 ՀՀ դրամով, չի համապատասխանում պայմանագրի տեխնիկական բնութագրին՝ օգտագործված է և ունի մի շարք անսարքություններ, չունի արտադրող գործարանի կողմից տրված տեխնիկական անձնագիր և շարժիչի տեխնիկական ցուցանիշները արտադրող գործարանի տեխնիկական պայմաններին համապատասխանելու վերաբերյալ որևէ փաստաթուղթ կամ այլ հիմքեր, այդ թվում՝ գործարանային փաթեթավորում, ինչպես նաև շարժիչի ձեռքբերման կապակցությամբ որևէ փաստաթուղթ:

Դեպքի առթիվ, 10.12.2018թ-ին որոշում է կայացվել թիվ 90152117 քրեական գործի նյութերով նոր գործ հարուցելու, այն վարույթ ընդունելու և թիվ 90152117 քրեական գործին միացնելու մասին:

13.12.2018թ-ին, որոշում է կայացվել Սամվել Սարգսի Սուքիասյանին որպես մեղադրյալ ներգրավելու մասին, նույն օրը նրան ՀՀ քրեական օրենսգրքի 178-րդ հոդվածի 3-րդ մասի 1-ին կետով մեղադրանք է առաջադրվել և որպես խափանման միջոց կիրառվել՝ ստորագրություն չհեռանալու մասին:

Նախաքննությամբ պարզվել է, որ նշված պայմանագրով վաճառողը պարտավորվել է մատակարարել <<Վ-84>> և <<Վ-46-6>> տեսակի 17 հատ շարժիչներ, որոնց միավորի գինը սահմանվել է 35.000 ԱՄՆ դոլար, որը չի կարող գերազանցել 17.000.000 ՀՀ դրամը, <<ԵՄՊ-ԵՄՊ-1Կ>> տեսակի գրահատեխնիկայի համար նախատեսված <<ՈԻՏԴ-20>>, <<ՈԻՏԴ-20-Ս1>> և <<ՄՆՈԻ-20>> տիպի 16 շարժիչներ, որոնց միավորի գինը սահմանվել է 28.000 ԱՄՆ դոլար, որը չի կարող գերազանցել 14.000.000 ՀՀ դրամը, այդ թվում՝ այլ տիպի 7 հատ շարժիչներ:

Պայմանագրով վաճառողի կողմից հանձնման ենթական ապրանքի ընդհանուր գինը կազմել է 1.215.000 ԱՄՆ դոլար, որը չի կարող գերազանցել 607.500.000 ՀՀ դրամը: Ապրանքի գինը ներառում է հարկերը, տուրքերը և ՀՀ օրենսդրությամբ սահմանված այլ վճարները, ապրանքի գրանցման հետ կապված ծախսերը, ինչպես նաև վաճառողի կողմից իրականացվող բոլոր ծախսերը / DDU ք.Երևան պայմանով, համաձայն INCOTERMS 2000 դրույթներին համապատասխան/:

Պայմանագրի 4.2 կետի համաձայն, գնորդն իրեն մատակարարած ապրանքի դիմաց վճարում է ՀՀ դրամով անկանխիկ՝ դրամական միջոցները վաճառողի հաշվարկային հաշվին փոխանցելու միջոցով:

Նախաքննությամբ պարզվել է նաև, որ նշված պայմանագրով նախատեսված շարժիչները ամբողջությամբ մատակարարվել են, սակայն դրանք չունեն արտադրող գործարանի կողմից տրված տեխնիկական անձնագիր և շարժիչի տեխնիկական ցուցանիշները արտադրող գործարանի տեխնիկական պայմաններին համապատասխանելու վերաբերյալ որևէ փաստաթուղթ կամ այլ հիմքեր, այդ թվում՝ գործարանային փաթեթավորում, ինչպես նաև շարժիչի ձեռքբերման կապակցությամբ որևէ փաստաթուղթ:

Հայտնի չէ, թե նշված շարժիչները ում կողմից, երբ, ինչպես և ինչ պայմաններում են արտադրվել՝ նոր են, թե օգտագործված, նորոգված, կամ ինչ-որ գործարանի խոտան, կամ տարբեր շարժիչների ղետալներով հավաքված:

Բացի այդ, դեռևս պարզ չէ, թե իրականում այդ շարժիչները ինչպես, ում կողմից և ինչ հանգամանքներում են մատակարարվել՝ նշված պայմանագիրը կնքելուց հետո են արտերկրից ներկրվել, թե դրանից առաջ, կամ ընդհանրապես ներկրվել են, թե ձեռք են բերվել ՀՀ-ում, ինչպես նաև, ինչ գնով և ինչ հանգամանքներում են ձեռքբերվել:

Համապատասխան քննչական գործողությունների արդյունքում պարզվել է նաև, որ ՀՀ մաքսային և հարկային մարմիններում նշված շարժիչները արտերկրից ՀՀ ներկրելու և ընդհանրապես, շարժիչների վերաբերյալ որևէ տվյալ չկա, այդ թվում՝ պարզվել է, որ դրանք չեն մաքսագերծվել և պայմանագրով որևէ հարկային պարտավորություն չի կատարվել:

Մեղադրյալ Սամվել Սուքիասյանը օգտվելով մեղադրյալի իր իրավունքներից հրաժարվել է ցուցմունք տալուց, իսկ որպես վկա հարցաքննությունների ժամանակ իր ցուցմունքներում շարժիչների ձեռքբերման, միավորի գնի, տեղափոխման, ծախսերի, վճարումների, մատակարարման և շարժիչների հետ կապված այլ հանգամանքների կապակցությամբ հիմնավոր փաստարկներ չի ներկայացրել:

Նախաքննությամբ պարզվել է նաև, որ «Սելեվերտա» ՍՊ ընկերությունը նշված պայմանագրով, ինչպես նաև ՀՀ պաշտպանության նախարարության հետ 2007-2016թթ. ընկած ժամանակահատվածում կնքված՝ 16.04.2007թ-ին, ՆՄԱՊՁԲ-7-108, 23.06.2007թ-ին, ՆՄԱՊՁԲ-7-110, 04.03.2008թ-ին, ՆՄԱՊՁԲ-7/77-1, 27.06.2008թ-ին, ՆՄԱՊՁԲ-7-135, 24.02.2009թ-ին, ՆՄԱՊՁԲ-7/100-1Պ, 03.03.2010թ-ին, ՆՄԱՊՁԲ-7/8-2Պ, 18.02.2011թ-ին, ՆՊԱՊՁԲ-7/6-2, 28.07.2011թ-ին, ՆՊԱՊՁԲ-7/6-4, 07.02.2012թ-ին ՍԸԱՊՁԲ-7/23-1, 14.01.2013թ-ին, ՇՀԱՊՁԲ-7/5-2, 05.09.2016թ-ին, ՆԲԸԱՀԱՊՁԲ-422, 24.11.2016թ-ին, ՆԲԸԱՀԱՊՁԲ-427 պայմանագրերով, արտերկրից ՀՀ ներկրված ապրանքատեսակների համար մաքսագերծումներ չի կատարել, այդ թվում՝ պայմանագրերով նախատեսված որևէ հարկային պարտավորություն, ՀՀ հարկային մարմիններում և ՀՀ արդարադատության նախարարության աշխատակազմի իրավաբանական անձանց պետական ռեզիստրի գործակալությունում որպես ՀՀ-ում գործող ոչ ռեզիդենտ կազմակերպություն գրանցված չէ և նշված պայմանագրերով նույնպես պարզ չէ, թե մատակարարված ապրանքները ինչ գնով, որտեղից և ինչպես են ձեռքբերվել:

Այն դեպքերում, երբ նշված պայմանագրերով արտերկրից ներկրվող ապրանքների մաքսագերծումը նախատեսվել է «Սելեվերտա» ՍՊ ընկերության կողմից, Ս.Սուքիասյանը համապատասխան մարմին հայտնել է, որ ՀՀ-ում չունի ներկայացուցչություն և խնդրել է, որ մաքսագերծումը կատարվի իրեն վճարվելիք միջոցների հաշվին, որոնք մի շարք պայմանագրերով չեն համապատասխանում տվյալ պայմանագրերով նախատեսված վճարման ենթակա գումարների չափին և պարզ չէ, թե իրականում, որքան գումար է ՀՀ պաշտպանության նախարարության կողմից վերջինիս ներկայացված բանկային հաշիվներին փոխանցվել:

Պարզվել է նաև, որ մեղադրյալ Սամվել Սուքիասյանը ՀՀ քաղաքացի է, մշտապես բնակվում է Հայաստանում և հանդիսանում է «Ստանդարտ ՕՅԼ» և «Կապիտալ Ինվեստ» ՍՊ ընկերությունների տնօրենը, որոնք ՀՀ-ում գրանցված ռեզիդենտ կազմակերպություններ են:

Թվարկված մի շարք պայմանագրերում, «Սելեվերտա» ՍՊ ընկերության իրավաբանական հասցեն նշված է՝ ԱՄՆ Արկանզաս նահանգ, ք.Լիթլ Ռոք, 323 Սենթեր փողոց, Թատր շենք, բն. 1202, ՀայրիգնեսԲանկ ՓԲԸ Հ/Հ 1150000401840100, իսկ մյուսներում՝ Մեծ Բրիտանիա /Միացյալ Թագավորություն/ W17 բաժին, ՄԿ երկրորդ Բիգնես Կենտրոն Բարթոն փողոց, Ուեյթլ Իթն, Բլեթչլի, Միլթոն Բեյնես, ՄԿ ՅՀՍ, ընկերության գրանցման համար ՕՇ 371225, Արմբիգնեսբանկ ՓԲԸ, SWIFT: ARMNAM 22, Հ/Հ 1150012834030101:

Նշված շարժիչների և մյուս պայմանագրերով նախատեսված հարկային պարտավորությունների կատարման և դրանց հետ կապված այլ հանգամանքների կապակցությամբ Ս.Սուքիասյանը իր նշված ցուցմունքներում հայտնել է, որ «Սելեվերտա» ՍՊ ընկերությունը ՀՀ-ում հանդիսանում է ոչ ռեզիդենտ կազմակերպություն՝ ՀՀ-ում հարկ վճարող չէ, դրա համար էլ շարժիչների մատակարարման, ինչպես նաև մյուս պայմանագրերով ընկերությունը հարկեր, տուրքեր և այլ վճարումներ չի կատարել: ՀՀ պաշտպանության նախարարությանը մատակարարված ապրանքների դիմաց վճարումը կատարվել է բանկային փոխանցման միջոցով՝ «Սելեվերտա» ՍՊ ընկերության ՀՀ-ում գրանցված բանկային հաշվին:

Հայտնել է նաև, որ <<Սելեվերտա>> ՍՊ ընկերությունը գրանցված է՝ Մեծ Բրիտանիա /Միացյալ Թագավորություն/ W17 բաժին, ՄԿ երկրորդ Բզնես Կենտրոն Բարթոն փողոց, Ուիլերթը Իթն, Բլեթչլի, Միլթոն Քեյնես, ՄԿ ՅՄՍ, ընկերության գրանցման համար ՕՇ 371225, և որ ինքը հանդիսանում է ընկերության լիազորված անձը Հայաստանում, բնակվում է Երևան քաղաքում, և իրեն տրվել են լիազորագրեր ու կնիքներ, որով Հայաստանում կնքել է գործարքներ:

Ընկերության կողմից իրեն տրված լիազորագրերը, կանոնադրությունը և կնիքները իրեն ուղարկվել է Լիտվայում գործող ընկերության կողմից, որի անվանումը չի հիշում, այն միջնորդ կազմակերպություն է հանդիսացել, որը զբաղվել է տարբեր արտասահմանյան կազմակերպությունների համար ներկայացուցիչներ ստեղծելու գործունեությամբ:

ՀՀ-ում կատարված գործարքների կապակցությամբ այդ միջնորդ կազմակերպությանը հիմնականում վճարել է հաստատագրված տարեկան վճար, որի չափերը տարբեր տարիների համար տարբեր է եղել, հաշվետվությունները կազմվել են միջնորդ կազմակերպության կողմից և նրանց միջոցով ներկայացրվել <<Սելեվերտա>> ՍՊ ընկերության վերադաս մարմիններին:

Հայտնել է նաև, որ չի հիշում, թե բացի ՀՀ պաշտպանության նախարարության հետ կնքված պայմանագրերից ՀՀ-ում գործող կազմակերպություններին ապրանքներ մատակարարել է, թե ոչ:

Բացի այդ, Ս.Սուքիասյանը նշել է, որ <<Սելեվերտա>> ՍՊ ընկերությունը, որը գրանցված է Մեծ Բրիտանիայում, գործունեությունը սկսել է 2012թ-ից, իսկ <<Սելեվերտա>> ՍՊ ընկերությունը, որը գրանցված է եղել ԱՄՆ Արկանզաս նահանգում, գործել է մինչև 2010թ-ը, և վերջինիս բաժնետերերը եղել են այլ կազմակերպություններ, այնտեղ գործել է մինչև Արկանզաս նահանգում օրենքների փոփոխությունը, և որ այն ուրիշ կազմակերպություն է եղել, ունեցել է այլ կանոնադրություն և այլ կնիքներ:

ԱՄՆ-ում գրանցված <<Սելեվերտա>> ՍՊ ընկերության անունից գործելու լիազորագրերը, կնիքները և արտոնությունները իրեն տրամադրվել է Լատվիայում գործող միջնորդ կազմակերպության կողմից, որը իրականացրել է կապը կազմակերպության գլխամասի հետ և այդ միջնորդ կազմակերպությունն է իր հաշվետվությունները ընկերությանը ներկայացրել:

ՀՀ պաշտպանության նախարարության և <<Սելեվերտա>> ՍՊ ընկերությունների միջև կնքված պայմանագրերում Սամվել Սուքիասյանը ներկայացել է որպես ընկերությունների տնօրեն, մինչդեռ նրա կողմից նախաքննության ընթացքում ներկայացված, ինչպես նաև գործում առկա մյուս փաստական տվյալների համաձայն, վերջինս <<Սելեվերտա>> ՍՊ ընկերությունների տնօրենը չի հանդիսացել, սակայն ՀՀ-ում փաստացի տնօրինել է ՀՀ պաշտպանության նախարարության կողմից նշված ընկերությունների բանկային հաշիվներին փոխանցված գումարները:

Քրեական գործի նախաքննության ընթացքում ձեռքբերված փաստական տվյալները ստուգելու և գործի համար կարևոր նշանակություն ունեցող մի շարք այլ հանգամանքներ պարզելու, մասնավորապար՝ նշված շարժիչների և մյուս պայմանագրերով մատակարարված ապրանքատեսակների ձեռքբերման աղբյուրները, միավորի գինը, տեղափոխման, մաքսազերծման, վճարների և մյուս ծախսերի, հարկային պարտավորությունների կատարման, նշված միջնորդ կազմակերպություններին փոխանցված գումարների չափը, ինչպես նաև ՀՀ պաշտպանության նախարարության կողմից նշված պայմանագրերով Սամվել Սուքիասյանի կողմից ներկայացված <<Սելեվերտա>> ՍՊ ընկերությունների բանկային հաշիվներին փոխանցված գումարների չափը և մի շարք այլ հանգամանքներ պարզելու նպատակով, դատարանի թույլտվությամբ ՀՀ-ում գործող բանկերից և վարկային կազմակերպություններից առգրավվել են վերջինիս անվամբ և նրա կողմից ՀՀ-ում փաստացի տնօրինված <<Սելեվերտա>> ՍՊ ընկերությունների 2007-2016թթ. ընկած ժամանակահատվածի բանկային գաղտնիք կազմող տեղեկությունները:

Նախաքննության ընթացքում առգրավվել, ինչպես նաև ՀՀ պաշտպանության նախարարության կողմից ուղարկվել են <<ԱրմԱէրո>> ՓԲ և <<Սելեվերտա>> ՍՊ ընկերությունների հետ կնքված նշված պայմանագրերի վերաբերյալ փաստաթղթեր:

Քրեական գործի բազմակողմանիությունը, լրիվությունը և օբյեկտիվությունը ապահովելու նպատակով անհրաժեշտ է պարզել գործի համար նշանակություն ունեցող մի շարք հանգամանքներ, մասնավորապար՝ <<ԱրմԱէրո>> ՓԲ և <<Սելեվերտա>> ՍՊ ընկերությունների կողմից հաշվապահական հաշվառումը վարելու, նշված պայմանագրային պարտավորությունները կատարելու, ինչպես նաև այլ

11
հանգամանքներ, որոնց համար անհրաժեշտ են հաշվապահական բնագավառի մասնագիտական գիտելիքների տիրապետող, գործով չշահագրգռված անձի աջակցությունը:

Նկատի ունենալով, որ հաշվապահական բնագավառի բազմամյա աշխատանքային փորձ ունեցող Քնարիկ Ռուբենի Սարգսյանը գործով չշահագրգռված անձ է, կարող է հաշվապահության բնագավառի իր մասնագիտական հմտությունները և գիտելիքներն օգտագործելով աջակցել հաշվապահական ստուգմանը, ինչի կապակցությամբ ներկայացրել է անձը հաստատող փաստաթուղթ, մասնագիտությունը վկայող հավաստագիր, մասնագիտական ստաժը հաստատող աշխատանքային գրքույկ, ուստի ղեկավարվելով ՀՀ քրեական դատավարության օրենսգրքի 55-րդ հոդվածի չորրորդ մասի 5-րդ և 12-րդ կետերով և 84 հոդվածով:

Ո Ր Ո Շ Ե Ց Ի

1. Քնարիկ Ռուբենի Սարգսյանին (ծնված 29.08.1953թ., բնակվում է ք.Երևան, Նորք, 5-րդ փողոց տուն 7/1), նշանակել մասնագետ և ստանալ վերջինիս աջակցությունը թիվ 90152117 քրեական գործով մասնագիտական ստուգում կատարելու համար:

2. Որոշման մասին հայտնել Ք.Սարգսյանին և նրան պարզաբանել ՀՀ քրեական դատավարության օրենսգրքի 84-րդ հոդվածով նախատեսված մասնագետի իրավունքներն ու պարտականությունները:

ՀՀ քննչական կոմիտեի ԶԲԳՎ ՀԿԳ
քննության վարչության ՀԿԳ ավագ քննիչ,
արդարադատության առաջին դասի խորհրդական



Ա.Բաբայան

Սույն որոշումն ինձ հայտնված է 2019թ. Տարբեր 18 -ին:

Միաժամանակ ինձ բացատրվել է, ՀՀ քր. դատ. օր-ի 84 հոդվածի համաձայն իմ իրավունքներն ու պարտականությունները:

ՄԱՍՆԱԳԵՏՆ ԻՐԱՎՈՒՆՔ ՈՒՆԻ՝

- ✓ Քրեական վարույթն իրականացնող մարմնի կամ քննչական կամ այլ դատավարական գործողություն կատարող անձի թույլտվությամբ ծանոթանալ գործի նյութերին նաև հարցեր տալ ներկաներին.
- ✓ Ներկաների ուշադրությունը հրավիրել այն հանգամանքների վրա, որոնք կապված են առարկաներ և փաստաթղթեր հայտնաբերելու, ամրապնդելու և վերցնելու, տեխնիկական միջոցներ կիրառելու, փորձագետին հարցեր առաջադրելու, ինչպես նաև իր մասնագիտական իրավասության մեջ մտնող հարցերի բովանդակության հետ.
- ✓ Առարկաներ և փաստաթղթեր հայտնաբերելու, ամրապնդելու և վերցնելու, տեխնիկական միջոցներ կիրառելու, փորձագետին հարցեր առաջադրելու հետ կապված դիտողություններ անել, որոնք մտցվում են արձանագրության մեջ.
- ✓ Ծանոթանալ իր մասնակցությամբ կատարված քննչական կամ այլ դատավարական գործողության արձանագրությանը, ինչպես նաև համապատասխան մասով՝ դատական նիստի արձանագրությանը և իր մասնակցությամբ իրականացվող քննչական գործողության ընթացքի, բովանդակության և արդյունքների

գրառումների լրիվության և ճշտության հետ կապված դիտողություններ անել, որոնք մտցվում են արձանագրության մեջ.

- ✓ Ստանալ քրեական գործով վարույթի ընթացքում կրած ծախսերի հատուցում:
- ✓ Մասնագետն ունի նաև սույն օրենսգրքով նախատեսված այլ իրավունքներ և պարտականություններ:

ՄԱՍՆԱԳԵՏԸ ՊԱՐՏԱՎՈՐ Է՝

- ✓ Ներկայանալ քրեական վարույթն իրականացնող մարմնի կանչով անհրաժեշտ աջակցություն ցույց տալու համար.
- ✓ Քրեական վարույթն իրականացնող մարմնին և քննչական կամ այլ դատավարական գործողություն կատարող անձին ներկայացնել իր հատուկ որակավորումը հաստատող փաստաթղթերը.
- ✓ Քրեական վարույթն իրականացնող մարմնի, ինչպես նաև կողմերի պահանջով դատական նիստի ժամանակ տեղեկություններ հայտնել իր մասնագիտական փորձի և համապատասխան քրեական գործով վարույթին մասնակցող անձանց հետ հարաբերությունների մասին.
- ✓ Աջակցություն ցույց տալու համար անհրաժեշտ ամբողջ ժամանակահատվածում գտնվել քննչական կամ այլ դատավարական գործողության կատարման վայրում, դատական նիստերի դահլիճում և չլքել նշված գործողության կատարման վայրն առանց այն կատարող անձի թույլտվության, իսկ դատական նիստերի դահլիճը՝ առանց նախագահողի թույլտվության.
- ✓ Օգտագործել իր մասնագիտական հմտություններն ու գիտելիքներն առարկաներ և փաստաթղթեր հայտնաբերելու, ամրապնդելու և վերցնելու, տեխնիկական միջոցներ կիրառելու, փորձագետին հարցեր առաջադրելու գործում քննչական կամ այլ դատավարական գործողություն կատարող անձին օգնություն ցույց տալու, ինչպես նաև նշված անձին, քրեական վարույթն իրականացնող մարմնին և դատարանի նիստին ներկա գտնվող կողմերին իր մասնագիտական իրավասության մեջ մտնող հարցեր պարզաբանելու համար, բացատրել իր գործողությունները.
- ✓ Ենթարկվել դատախազի, քննիչի, հետաքննության մարմնի, դատական նիստը նախագահողի օրինական կարգադրություններին.
- ✓ Դատական նիստի ժամանակ պահպանել կարգուկանոն.
- ✓ Արձանագրությունում ստորագրությամբ հաստատել իր մասնակցությամբ կատարված քննչական կամ այլ դատավարական գործողության ընթացքի, բովանդակության և արդյունքների գրառումների լրիվությունը և ճշտությունը:
- ✓ Առանց քրեական վարույթն իրականացնող մարմնի թույլտվության չհրապարակել իր մասնակցությամբ կատարված քննչական կամ այլ դատավարական գործողության ժամանակ, ինչպես նաև դոկիմենտ դատական նիստի ժամանակ իրեն հայտնի դարձած տեղեկությունները.
- ✓ Մասնագետի կողմից իր պարտականությունները չկատարելն առաջ է բերում օրենքով նախատեսված պատասխանատվություն.

Մասնագետ  Ք.Ռ. Սարգսյան

Որոշումը հայտնեց, իրավունքները պարզաբանեց՝

ՀՀ քննչական կոմիտեի ՋԲԳՎ ՀԿԳ
քննության վարչության ՀԿԳ ավագ քննիչ,
արդարադատության առաջին դասի խորհրդական



Ա.Բաբայան